

ଯୋହନଙ୍କ ପ୍ରଥମ ପତ୍ର ଜହନ ରାଡ଼ାମାନି ର ଲମ୍ବର ଆକୁ ମୂଲ୍ୟ ହାତୀ

ଜହନ ରାଡ଼ିତି ର ଲମ୍ବର ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଷୀ ତାମ୍ଭୁ ପାଣ୍ଡୁଞ୍ଜିଆହାମାନି ଜହନ ରାଡ଼ାମାନେସି । ଜହନ ଜାହାରାଈଁ ଈ ଆକୁତି ରାଡ଼ାମାଇଁ ଇଞ୍ଜିଁ ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜୀସୁ କ୍ରୀସ୍ତୁତି ନୀତାମାଚାଣି ଅଡ଼େ ହାହାନା ଖେଣ୍ଡେ ନିଈଟାଣି କାନୁ ତଲେ ମେସାମାନମି ଇଞ୍ଜିଁ ସାକ୍ତି ହୀହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଡ଼ିତି ନେହଁଁ କାରୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଡ଼ିତି ନେହଁଁ କାରୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଡ଼ାମାଚେସି ଇଞ୍ଜିଁ ନାମିମାନେରି ।

ବୁଦିଗାଟାତମି ଇଞ୍ଜାକଡ଼ିମାନି ର ଗତିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଈ ଆକୁ ରାଡ଼ିମାଚେସି । ଏଞ୍ଜାରି ନାମୁ ଜୀସୁ ସାଚେଏ ମାହାପୁରୁ ମାଚେସି ସାମା ଦାରତିତା ମାଚିବେଲାତା ଏଞ୍ଜାସି ଉଈଁ ଅଡ଼େ ନେତେରିତି ମାଣସି ହିଲାଆଚେସି । ଜହନ ଜୀସୁ କ୍ରୀସ୍ତୁଇଁ କାନୁ ତଲେ ମେସାମାନି ସାକ୍ତି ଅଡ଼େ ତାନି କେମ୍ଭୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଈଦାଆଁ ରାଡ଼ାମାନେସି, ୧:୧-୩ । ଜହନ ଈ ଆକୁତି ରାଡ଼ିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧ଜହ ୧:୪ ଅଡ଼େ ନାମୁ ଗାଟାରାଇଁ ପାପୁ ପିସାଲି ତାକି ୧ଜହ ୨:୧ ଅଡ଼େ ମିଟି ଜାପୁନାରି ତାଣ୍ଡାଟି ନାମୁ ଗାଟାରାଇଁ ଗେଲ୍ପାଲି ୧ଜହ ୨:୨୬ ନାମୁ ଗାଟାରାଇଁ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ ।

ପତିତା ମାନାୟି

୧. ଆକୁତି ପୁଣ୍ଡିକିନାୟି ଅଡ଼େ ରାଡ଼ିମାନି କାତା ଖେହ୍ନାୟି ।
୧:୧-୪

- ୨. ମାହାପୁରୁ ଏନିକ୍ତ ଉଦ୍ଦେଷ୍ଟି ଅଡ଼େ ଜୀସୁ ଲେହେଁ ନୀତାଲି
ଝେସାମାନେସି । ୧:୫-୩:୧୦
- ୩. ରଅସି ରଅଣାଜ୍ ଜୀସୁ ନନାଣି ଝେଶ୍ଟେ ଅଣ୍ଡି କିନାୟି । ୩:୧୧-
୫:୧୨
- ୪. ଆକୁତି ରାପ୍ନାୟି । ୫:୧୩-୨୧

ଜୀସୁତି ବଲୁ

୧ *ମୁଲୁଏ ଆମ୍ବାଆସି ମାଚେସି, ମାମ୍ବୁ ଏଞ୍ଜାଣି ବଲୁ ଝେଞ୍ଜାମାନମି, ଆମ୍ବାଆରାଜ୍ ମା କାନୁ ତଲେ ମେସାମାନମି, ଆମ୍ବାଆରାଜ୍ ନେହକ୍ ସିନିକିହା ମାନମି ଅଡ଼େ ମା କେସ୍ତାତଲେ ତୀଗାମାନମି, ଏ ଜୀସୁଲେହେଁତି ବଲୁତି କାତା ଝେସିମାଞ୍ଜାନମି । ୨ *ଏ ଜୀସୁ ତଞ୍ଜାଆଡ଼େ, ଇଞ୍ଜା ମାମ୍ବୁମେସୁମି ଅଡ଼େ ସାକି ହୀହିମାଞ୍ଜାନମି; ଆମିନି କାଲ୍ଲକାଲ୍ଲତି ସୁଦୁଜୀସୁ ଆବା ତଲେ ମାଚେ, ଅଡ଼େ ମା ତାଣା ତଞ୍ଜାଆଡ଼େସି ଏଞ୍ଜାଣି କାତା ମିଙ୍ଗେ ଝେସିମାଞ୍ଜାନମି । ୩ ମାମ୍ବୁ ଏନାଆଁ ମେସାମାନମି ଅଡ଼େ ଝେଞ୍ଜାମାନମି, ଏନାଆଁ ମିଙ୍ଗେ ଜିକେଏ ଝେସିମାଞ୍ଜାନମି, ଏନିକ୍ତ ମୀରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରଏଣା ଜୀସୁ କ୍ରୀସୁ ତଲେ ମାନେ । ୪ ମା ରାହାଁ ଏନିକ୍ତ ହାରେ ପୁରେ ଆନେ ଇଦାଣିତାକି ଇ ବାରେ ମାମ୍ବୁ ରୁଡ଼ିମାଞ୍ଜାନମି ।

ମାହାପୁରୁ ଉଦ୍ଦେଷ୍ଟି

୫ ମାମ୍ବୁ ଏଞ୍ଜାଣି ତାଣାଟି ଆମିନି କାରୁ ଝେଞ୍ଜାମାନମି, ଅଡ଼େ ଝେସିମାଞ୍ଜାନମି, ଏ କାରୁ ଇଦି, ମାହାପୁରୁ ଉଦ୍ଦେଷ୍ଟି, ତାନି ତାଣା ଆଦେରି ହିଲ୍ଲୁଏ ହିଲେଏ । ୬ ମାମ୍ବୁ ଆଦେରିତା ମାଞ୍ଜାନ ମାହାପୁରୁ ତଲେ ଆଣ୍ଡାଆହା ମାନାୟି ଇଞ୍ଜା ଝେସିହ୍, ମାର ମିତି ଝେହ୍ନାତାୟି, ଅଡ଼େ ମାର ସାତା ତଲେ ତାକିହିଲ୍ଲାଆୟି । ୭ ସାମା ଏଞ୍ଜାସି ଏନିକ୍ତ ଉଦ୍ଦେଷ୍ଟିତା ବାସା ଆହାମାନେସି, ମାର ଜିକେଏ ଏଲେକିହ୍ ଏ ଉଦ୍ଦେଷ୍ଟିତା ତାକିନାୟି, ଆତିହ୍ ମାର ରଅସି ରଅଣି ତଲେ ଆଣ୍ଡାଆନାୟି ମାନେ, ଅଡ଼େ ତାନି ମୀରଏଣା ଜୀସୁ ନେତେରି ମା ବାରେ ପାପୁତି ନରହାନେ ।

☆ ୧:୧ ୧:୧ ଜହ ୧:୧ ☆ ୧:୨ ୧:୨ ଜହ ୧:୧୪

୮ ମା.ତାଣା ପାପୁ ହିଲେଏ ଇଞ୍ଜିମ୍ ଖେହନାୟି, ଆତିହିମ୍ ମାର ମାଲେଏ ନାଡ଼ି କିହାକତିମାନାୟି, ଅଡ଼େ ମା.ତାଣା ସାତା ହିଲେଏ । ୯ ସାମା ମାମ୍ ପାପୁ କିହାମାନମି ଇଞ୍ଜିମ୍ ମାହାପୁରୁ ନକିତା ଖେହନାୟି, ଆତିହିମ୍ ଏଝାସି ମା.ପାପୁ ବାରେ ମେଲ୍‌ହାଲି ଅଡ଼େ ବାରେ ଲାଗେଏ ପଲେଏ ତାଣାଟି ଅଡ଼ହାଲି ନାମ୍ ଅଡ଼େ ତାରିଗାଗାସି । ୧୦ ମାର ପାପୁ କିହା ହିଲାଆୟି ଇଞ୍ଜିମ୍ ଇନାୟି, ଆତିହିମ୍ ମାର ମାହାପୁରୁଇଁ ମିତି ଗାଗାସି କିହିମାନାୟି, ଅଡ଼େ ତାନି ବଲୁ ମା.ତାଣା ହିଲେଏ ।

୨

କ୍ରୀସ୍ତ ଗେଲ୍‌ପାନାସି

୧ ଏ ନା.ମାରକା ମାମ୍‌କାତେରି ମାରୁ ଏନିକିମ୍ ପାପୁ କିଅତେରି, ଇଦାଆଁତାକି ଇ ବାରେ ମା.ତାଣା ରାଡ଼ିମାଞ୍ଜାଇଁ । ସାମା ଆମ୍‌ଆସି ପାପୁ କିନେସି, ଆତିହିମ୍ ମା.ଝାକି ଆହାନା ଆବା ତାଣା ବାତିମାଲିନାସି ରଅସି ମାନେସି, ଏଝାସି ଦାମ୍‌ଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା.ପାପୁ ତାକି, ଝାରଇ ମା.ପାପୁ ତାକି ଆଏ, ସାମା ଦାର୍‌ତିତି ବାରେ ଲକ୍ଷୁତି ପାପୁ ତାକି ଡାକିତି ପୁଜାଲେହେଁ ଆଡ଼େସି ।

୩ ମାର ମାହାପୁରୁତି ହୁକୁମି ମାନୁଝି ଆନାୟି, ଆତିହିମ୍ ଏମ୍‌ଗାଟି ପୁଞ୍ଜାଲି ଆଡ଼ିନାୟି, ଏଝାଣାଇଁ ସାତାତଲେ ପୁଞ୍ଜାମାନାୟି । ୪ ତାନି ହୁକୁମି ମାନୁଝି ଆଆନା ଆମ୍‌ଆସି ନାମ୍ ଏଝାଣାଇଁ ପୁଞ୍ଜାମାଇଁ ଇଞ୍ଜିମ୍ ଜଲିନେସି, ଏଝାସି ମିତି ଗାଗାସି ଏଝାଣି ତାଣା ସାତା ହିଲେଏ । ୫ ସାମା ଆମ୍‌ଆସି ତାନି ହୁକୁମି ମାନୁଝି ଆନେସି, ଏଝାଣି ତାଣା ମାହାପୁରୁତି ସାତା ଜୀସୁନନାୟି ପୁରା ଆହାମାନେ, ଏମ୍‌ଗାଟିଏ ମାର ପୁଞ୍ଜାଲି ଆଡ଼ିନାୟି ମାର ମାହାପୁରୁ ତାଣା ମାନାୟି । ୬ ଆମ୍‌ଆସି ନାମ୍ ମାହାପୁରୁ ତଲେ ଡ଼ୟିଇଁ ଇଞ୍ଜିମ୍ ଇନେସି, ଏଝାସି ଜୀସୁ କ୍ରୀସ୍ତ ନୀତା ମାଟିଲେହେଁ ନୀତିନାୟି ମାନେ ।

ପୁଠନି ହୁକୁମି

୭ *ଏ. ନା. ଜୀସୁତି ତରେସିଙ୍ଗାତେରି ନାମ୍ ମା.ତାଣା ଏନି ପୁଠନି ହୁକୁମି ରାଡ଼ିମାଞ୍ଜାଇଁ, ସାମା ତଲିଟିଏ ଆମିନି ପୁଠଇ ହୁକୁମି ବେଟା ଆହାମାଞ୍ଜେରି, ଏଦାଆଁ ରାଡ଼ିମାଞ୍ଜାଇଁ; ମାରୁ ଆମିନି ବଲୁ

ଖେଞ୍ଜାମାଞ୍ଜେରି, ଏଦିଏ ପୁଃଈ ହୁକୁମି । ୮ ଅଡ଼େ ନାନୁ ନୀର୍ବି ମିଙ୍ଗେ ପୁଃଈ ହୁକୁମି ଲେହେ ରାଡ଼ିମାଞ୍ଜାଇଁ, ଇଚିହିଁ ଏଡ଼ି କ୍ରୀସ୍ତ ତାଣା ଅଡ଼େ ମୀ ତାଣା ଜିକେଏ ସାତା ଇଞ୍ଜିଁ ତଞ୍ଜାଆନେ, ଇଚିହିଁ ଆନେରି ଗୁରା ଆହିମାନେ ଅଡ଼େ ସାତା ଉଜେଡ଼ି ତଞ୍ଜାଆଡ଼େୟିଏ ।

୯ ଆମ୍ବାଆରି ତାନି ତାୟି ତାଙ୍ଗିଇଁ ଅପାଆନା ନାନୁ ଉଜେଡ଼ିତା ମାଇଁ ଇଞ୍ଜିଁ ଇନେସି ଏଞ୍ଜାସି ନୀର୍ବି ପାତେକା ଆନେରିତା ମାଞ୍ଜାମାନେସି । ୧୦ ଆମ୍ବାଆସି ତାନି ତାୟି ତାଙ୍ଗିଇଁ ଜୀଞ୍ଜୁ ନନେସି ଏଞ୍ଜାସି ଉଜେଡ଼ିତା ମାଞ୍ଜାମାନେସି, ଇଞ୍ଜା ଏଞ୍ଜାଣି ତାଣା ପୁଟି କିନାୟି ଏନାୟି ହିଲେଏ । ୧୧ ସାମା ଆମ୍ବାଆସି ତାନି ତାୟିଇଁ ଅପିହିଲଅସି ଏଞ୍ଜାସି ଆନେରିତା ମାନେସି, ଅଡ଼େ ଆନେରିତା ତାକି ତାକିହିଁ ଆମ୍ବିୟାଞ୍ଜାକି ହାଜିମାନେସି, ଏଦାଆଁ ପୁନଅସି, ଇଚିହିଁ ଆନେରି ତାନି କାଣ୍ଡାଣି କାଣା କିହାମାନେ ।

୧୨ ଜୀଞ୍ଜୁତି କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇଚିହିଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଣ୍ଡାମାନେ । ୧୩ ତାଞ୍ଜିଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇଚିହିଁ ଆମ୍ବାଆସି ମୁଲୁଟିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ .ଡ଼ାଆ ଦାଂଗଣାୟାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଇଚିହିଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହିଁ ଆମ୍ବାଆସି ମୁଲୁଟିଏ ମାନେସି ଏ .କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ .ଡ଼ାଆ ଦାଂଗଣାୟାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହିଁ ମୀରୁ ବାଡ଼ୁୟୁ ଗାଟାତେରି, ଅଡ଼େ ମାହାପୁରୁତି ବଲୁ ମୀ ତାଣା ମାନେ ଅଡ଼େ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାର୍ତ୍ତିତି ଜୀଞ୍ଜୁ ନଆଦୁ

୧୫ ଦାର୍ତ୍ତିତି ଅଡ଼େ ଏମ୍ବାଆଁ ମାନାଣି ବାରେତି ଜୀଞ୍ଜୁ ନଆଦୁ, ଆମ୍ବାଆସି ଦାର୍ତ୍ତିତି ଜୀଞ୍ଜୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି

ଜୀଝୁନନାୟି ହିଲେଏ । ୧୭ ଇଚିହ୍ନ ଆଙ୍ଗାତି ଜୁଠକା, କାନୁତି ଜୁଠକା, ଅଡ଼େ ଦନଡ଼ି ବଡ଼ପଣ, ଦାର୍ଡ଼ିତା ମାନାୟି ଇ ବାରେ ମାହାପୁରୁ ଆବା ତାଣାଟି ଖାହାହିଲେଏ ସାମା ଦାର୍ଡ଼ିଟି ଗାଡ଼ି ଆହାମାନେ । ୧୭ ଦାର୍ଡ଼ି ଅଡ଼େ ଏମ୍ବାଆଁ ମାନି ଜୁଠକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନୁଝି ଆନେସି ଏଝାସି କାଲେଏ ତାକି ତାରି ଆନେସି ।

କ୍ରୀସ୍ତୀ ସାତୁ

୧୮ ଜୀଝୁତି କକାରି ପଦ୍ମାତେରି ରାନି କାଲା ଏଗାଝାଡ଼େୟିଏ, ନାଡ଼ିକିନି କ୍ରୀସ୍ତ ଖାନେସି ଇଞ୍ଜି ମୀରୁ ଏନିକ୍ ଝେଞ୍ଜାମାତେରି, ଏଲେକିହ୍ନ ଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୟା ନିଙ୍ଗିତେରିଏ; ଇଦାଆଁତାକି ମାର ପୁଞ୍ଜିମାନାୟି ଜୁଗୁ ରାନି କାଲା ଏଦାତେୟିଏ । ୧୯ ଏଝାରି ମା ବିତ୍ରାଟି ହଡ଼େରି, ସାମା ମା ଗଚିତି ଲକୁ ହିଲଆତେରି; ଏଝାରି ମା ଗଚିତି ଲକୁ ଆଡ଼ିହ୍ନ ମା, ଏଝାରି ମା ତଲେ ଡ଼ୟିତେରିମା; ସାମା ବାରେ ମା ଗଚିତି ଲକୁ ଆଏ, ଇଦି ଏନିକ୍ ତଞ୍ଜାଆନେ, ଇଦାଆଁତାକି ଏଝାରି ହଚାହାଚେରି ।

୨୦ ସାମା ମୀରୁ ଏ ସୁଦୁ ଗାଟାଣା ତାଣାଟି ବର ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାଟି ଏଚେଲାଝା ମିଚି ହଏ ଇଞ୍ଜି ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଡ଼ିମାଞ୍ଜାଇଁ ।

୨୨ ଜୀସୁଇଁ କ୍ରୀସ୍ତ ଆଏ ଇଞ୍ଜି ଆମ୍ବାଆସି ଝେହ୍ନେସି, ଏଝାଣି ତାଣାଟିଏ ମିଚି ଝେହ୍ନାସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଝାସିଏ ନାଡ଼ିକିନି କ୍ରୀସ୍ତ । ୨୩ ଆମ୍ବାଆସି ମୀରୁଏଣାଇଁ ଅପଅସି ଏଝାସି ଆବାଇଁ ବେଟାଆହାହିଲଅସି, ଆମ୍ବାଆସି ମୀରୁଏଣାଇଁ ଆବିନେସି, ଏଝାସି ଆବାଇଁ ଜିକେଏ ବେଟାଆହାମାନେସି ।

୨୪ ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଦି ମା ତାଣା ଡ଼ୟାପେ, ମୀରୁ ତଲିଟିଏ ଏନାଆଁ ଝେଞ୍ଜାମାଞ୍ଜେରି, ଏଦି ମା ତାଣା ଡ଼ୟିତିହ୍ନ, ଆଡ଼ିହ୍ନ ମୀରୁ ଜିକେଏ କାଲେଏ ଆବା ଅଡ଼େ

ମୀରଂଶଣା ଜୀସୁ ତାଣା ଡ଼ୟିଦେରି । ୨୫ ଅଡ଼େ କ୍ରୀସୁ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଡ଼ି କାଲାକାଲାତି ଜୀସୁ ।

୨୬ ଆମ୍ବାଆରି ମିଙ୍ଗେ ନାଡ଼ି କିୟାଲି ଅଣ୍ଠପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି ତାଣାଟି ଆମିନି ସୁଦୁଜୀଞ୍ଜୁତି ବର ବେଟାଆହାମାଞ୍ଜେରି, ଏଡ଼ି ମୀ ତାଣା ଡ଼ୟାମାନେ, ଇଞ୍ଜା ଆମ୍ବାଆସି ମିଙ୍ଗେ ଜାପୁହାନେସି, ଏଡ଼ି ମିଙ୍ଗେତାକି ଲଡ଼ା ହିଲେଏ, ସାମା ଏଞ୍ଜାଣି ତାଣାଟି ଆମିନି ବର ବେଟାଆହାମାଞ୍ଜେରି ଏଡ଼ି ମିଙ୍ଗେ ଆମିନି କାତା ଜାପୁହାନେ, ଏଡ଼ି ସାତା, ମିତି ଆଏ; ଇଦାଆଁତାକି ଏ ଜାପୁନାଣି ତଲେ ଏଞ୍ଜାଣି ତାଣା ଡ଼ୟାଦୁ ।

୨୮ ନା ଜୀଞ୍ଜୁତି ମୀରକା ମାସ୍‌କାତେରି, କ୍ରୀସୁ ତଲେ ଆଣ୍ଡାନା ଡ଼ୟାଦୁ, ଏନିକ୍ ଏଞ୍ଜାସି ଏଚିବେଲା ତଞ୍ଜାଆନେସି, ଏଚିବେଲା ତାନୁ ଞାନାଟି ତାନି ନକିତା ମାର ଲାଜା ଆଆନା ସାସା ମେଡ଼ାଆନାୟି । ୨୯ କ୍ରୀସୁ ଦାମ୍‌ଗାଟାସି, ଇଦାଆଁ ପୁନାୟିମାନେ, ଆତିହ୍ ଆମ୍ବାଆସି ଦାମ୍‌କାମା କିନେସି, ଏଞ୍ଜାସି ଏଞ୍ଜାଣି ତାଣାଟି ଜାର୍ନା ଆହାମାନେସି, ଇଦାଆଁ ଜିକେଏ ପୁଞ୍ଜୁ ।

୩

ମାହାପୁରୁତି ମୀରକା ମାସ୍‌କା

୧୫ ମେହ୍‌ଦୁ ଆବା ମାଙ୍ଗେ ଏନିକ୍ ଜୀଞ୍ଜୁ ନନାଣି ହାହାମାଞ୍ଜାନେସି, ମାର ମାହାପୁରୁତି ମୀରକା ମାସ୍‌କା ଇଞ୍ଜା ଝେଙ୍ଗିନାୟି, ଅଡ଼େ ମାର ଏଲେକିହ୍ ଏ ଆହାମାନାୟି । ଇଦାଆଁତାକି ଦାରୁତି ମାଙ୍ଗେ ପୁଞ୍ଜିମାଞ୍ଜେଏ, ଇଚିହ୍ ଏଡ଼ି ଏଞ୍ଜାଣାଇଁ ଜିକେଏ ପୁଞ୍ଜା ହିଲାଆତେ । ୨ ଏ ନା ଜୀଞ୍ଜୁତି ତଟେସିଙ୍ଗା, ନୀଏଁ ମାର ମାହାପୁରୁତି ମୀରକା ମାସ୍‌କାତାୟି, ଅଡ଼େ ତାୟୁ ଏନି ଆନାୟି, ଏଡ଼ି ନୀଏଁ ପାତେକା ତଞ୍ଜା ଆହା ହିଲେଏ, ମାର ପୁଞ୍ଜାମାନାୟି, କ୍ରୀସୁ ଏଚିବେଲା ତଞ୍ଜାଆନେସି, ଏଚିବେଲା ମାର ଜିକେଏ ଏଲେକିହ୍ ଏ ଆନାୟି, ଇଚିହ୍ ଏଞ୍ଜାସି ଏନିଲେହେକି ମାର ଏଲେକିହ୍ ଏ ଏଞ୍ଜାଣାଇଁ ମେହ୍‌ନାୟି । ୩ ଅଡ଼େ ଆମ୍ବାଆସି ଜିକେଏ କ୍ରୀସୁ ଜୀସୁ ତାଣା ଇ ବାସୁଁ ଇଟାମାନାସି,

ଏଝାସି ଏନିକିଁ ସୁଦୁଗାଟାସି, ଏଝାସି ଏଲେକିହିଁଏ ତାଙ୍ଗେ ଅବ୍‌ହା କଡିନେସି ।

୪ ଆମ୍ବାଆସି ପାପୁ କିନେସି, ଏଝାସି ମାହାପୁରୁତି ହୁକୁମି ଉରିନାସି, ଏନିକିହିଁ ହୁକୁମି ଉରିନାସିଏ ପାପୁ । ୫ ମାର ପୁଞ୍ଜାମାନାସି, କ୍ରୀସ୍ତ ପାପୁ ଡେକା ଅହାଲି ଖାଡେସି, ଇଞ୍ଜା ଏଝାଣି ତାଣା ପାପୁ ହିଲେଏ । ୬ ଆମ୍ବାଆସି କ୍ରୀସ୍ତ ତାଣା ଡୟିନେସି, ଏଝାସି ପାପୁ କିଅସି; ସାମା ଆମ୍ବାଆସି ପାପୁ କିନେସି, ଏଝାସି କ୍ରୀସ୍ତଇଁ ମେସାହିଲଅସି କି ଏଝାଣାଇଁ ପୁଞ୍ଜାହିଲଅସି ।

୭ ନା ଜୀଝୁତି କକାରି ପଦାଁତେରି ଆମ୍ବାଆରି ମିଙ୍ଗେ ନାଡ଼ି କିୟାଆପେରି; ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତ ଏନିକିଁ ଦାମ୍ବୁଗାଟାସି, ଏଝାସି ଜିକେଏ ଏଲେକିଁ ଦାମ୍ବୁଗାଟାସି ଆନେସି; ୮ ଆମ୍ବାଆସି ପାପୁ କିନେସି, ଏଝାସି ସୟତାନତି ଜାର୍ନା ଆଡାସି, ଇତିହିଁ ସୟତାନ ତଲିଟିଏ ପାପୁ କିହିଁ ଖାହିମାନେ, ସୟତାନତି କାମା ନାସା କିୟାଲି ମାହାପୁରୁ ମୀରଏସି ଖାଡେସି ।

୯ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଝାସି ପାପୁ ଅଡେ ଖେଣ୍ଡେ କିଅସି, ଇତିହିଁ ମାହାପୁରୁତି ଗୁଣ୍ଡୁ ଏଝାଣି ତାଣା ମାନେ, ଅଡେ ଏଝାସି ମାହାପୁରୁ ତାଣାଟି ଜାର୍ନା ଆହାମାନାକି ପାପୁ କିହାଲି ଆଡଅସି । ୧୦ ଆମ୍ବାଆରି ମାହାପୁରୁତି ମୀରକା ମାସ୍କା ଅଡେ ଆମ୍ବାଆରି ସୟତାନତି ମୀରକା ମାସ୍କା, ଏଡ଼ି ତଞ୍ଜାଆନେ; ଆମ୍ବାଆସି ଦାମ୍ବୁକାମା କିଅସି, ଇଞ୍ଜା ତାୟି ତାଜିଇଁ ଜୀଝୁ ନଅସି, ଏଝାସି ମାହାପୁରୁ ତାଣାଟି ଜାର୍ନା ଆହାହିଲଅସି ।

ରଅସି ରଅଣାଇଁ ଜୀଝୁନନାୟି

୧୧ ଇତିହିଁ ରଅସି ରଅଣାଇଁ ଜୀଝୁନନାୟି ମାନେ ଇ ହାଡା ମୂଲୁଟିଏ ଖେଞ୍ଜା ମାଞ୍ଜେରି; ୧୨ ପାପୁତି ମୀରଏସି କୟିନ, ଏଝାଣିଲେହେଁ ଆଆଦୁ, ଏଝାସି ତାନି ତାୟି ହେବଲଇଁ ପାୟିତେସି; କୟିନ ଏଝାଣାଇଁ ଏନାଆଁତାକି ପାୟିତେସି ? ଇତିହିଁ ତାନି କାମା ପାପୁ ଗାଟାୟି, ଅଡେ ହେବଲତି କାମା ଦାମ୍ବୁଗାଟାୟି ମାଟେ ।

୧୩ ନା ତାୟି ତାଈସ୍ମାତେରି ଦାରତିତି ଲକୁ ମିଙ୍ଗେ ଅପାଆତଂ ଜିକେଏ ମୀରୁ କାବା ଆଆଦୁ । ୧୪ ☆ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀଞ୍ଜୁ ବେଟାଆହାମାନାୟି, ଇତିହଂ ମାର ତାୟି ତାଈସ୍ମାଣି ଜୀଞ୍ଜୁନହଂ ମାନାୟି, ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଈଈ ଅପଅସି, ଏଞ୍ଜାସି ଲକୁଣି ପାୟିନାସି; ଅଡେ ଲକୁଣି ପାୟିନାରି ତାଣା କାଲ୍ଲକାଲ୍ଲାତି ଜୀଞ୍ଜୁ ଡୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ଜୀସୁ କ୍ରୀସ୍ତ ମା ତାକି ଜୀଞ୍ଜୁ ହୀତାକି ମାର ଜୀଞ୍ଜୁନନାୟି ଏନାୟି ଇଞ୍ଜଂ ପୁଞ୍ଜାମାନାୟି; ଅଡେ ତାୟି ତାଈ ତାକି ମା ଜୀଞ୍ଜୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାରତିତା ଦନ ଗାଟାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଈ କାର୍ମା ମେହଅସି ଇତିସାରେ, ତାନି ହିୟାତା ମାହାପୁରୁତି ଜୀଞ୍ଜୁନନାୟି ମାନେ ଇଞ୍ଜଂ ଏନିକଂ ଏଲେଇନାୟି ? ୧୮ ନା ମୀରକା ମାସ୍କା ଞ୍ଜାଦୁ, ମାର ଜଲ୍ଲା ଜକଡ଼ି ତଲେ ଜୀଞ୍ଜୁ ନଆନା କାମା ଅଡେ ସାତା ତଲେ ଜୀଞ୍ଜୁ ନନାଣି ତହୁନାୟି ମାନେ ।

୧୯ ଏଲେ କିତିସାରେ ମାର ସାତାତି ମୀରକା ମାସ୍କାତାୟି ଇଦାଆଁ ପୁଞ୍ଜାମାନାୟି, ଅଡେ ଏନି କାତା ମା ହିୟାଁ ମାଞ୍ଜେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି; ୨୦ ଏମିନି କାମାତା ମା ହିୟାଁ ମାଞ୍ଜେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇତିହଂ ମାହାପୁରୁ ମା ହିୟାଁଟିଏ କାଜାସି, ଏଞ୍ଜାସି ବାରେ ପୁନେସି । ୨୧ ନା ଜୀଞ୍ଜୁତି ତଡ଼େସିଙ୍ଗା ମା ହିୟାଁ ମାଞ୍ଜେ ଦହ ଦସ୍ତାଆତିହଂ, ଆତିହଂ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି । ୨୨ ଅଡେ ମାର ଏନାଆଁ ରୀହନାୟି, ଏ ବାରେ ଏଞ୍ଜାଣି ତାଣାଟି ବେଟାଆହି ମାନାୟି, ଇତିହଂ ମାର ତାନି ହୁକୁମି ମାନୁଞ୍ଜି ଆହିମାନାୟି, ଅଡେ ତାନି ନକିତା ଏନାୟି ନେହାୟି ଏଦାଆଁ କିହିମାନାୟି । ୨୩ ☆ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡେ ତାନି ହୀତି ହୁକୁମି ତଲେ ରଅତାୟି ରଅଣାଈ

ଜୀବୁନନାୟି । ୨୪ ଆତ୍ମାଆସି ମାହାପୁରୁତି ହୁକୁମି ମାନୁଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡୟିନେସି; ଇଞ୍ଜା ମାହାପୁରୁ ମା ତାଣା ଡୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀବୁତଲେ ପୁଞ୍ଜିମାନାୟି ।

୪

ସାତା ମାହାପୁରୁତି ଜୀବୁ ଅଡ଼େ ମିତି ଜୀବୁ

୧ ନା ଜୀବୁତି ତାୟି ତାଙ୍ଗିମ୍ବା, ବାରେ ଜୀବୁୟାଁଇଁ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀବୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହୁଁ କୁଁ ତାୟିପାରି କିଦୁ, ଏନାଆଁତାକି ଇଚିହୁଁ ଦାରୁତିତା ହାରେକା ମିତି ମାହାପୁରୁ ବଲୁ ଖେହନାରି ହଚାମାନେରି । ୨ ଇଲେ କିତିହୁଁ ମାରୁ ମାହାପୁରୁତି ଜୀବୁତି ପୁଞ୍ଜାଲି ଆଡ଼ିଦେରି, କ୍ରୀସ୍ର ଜୀସ୍ର ମାଣସି ଆଙ୍ଗା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀବୁ ଜଲିନେ, ଏଡ଼ି ମାହାପୁରୁ ତାଣାଟି ଖାହାମାନେ । ୩ ଅଡ଼େ ଆମିନି ଜୀବୁ ଜୀସୁଇଁ ନାନୁ ପୁଞ୍ଜାହିଲଅଁ ଇଞ୍ଜୁଁ ଜଲିନେ, ଏଡ଼ି ମାହାପୁରୁ ତାଣାଟି ଖାହାହିଲେଏ; ସାମା ଏଡ଼ି ନାଡ଼ିକିନି କ୍ରୀସ୍ରତି ଜୀବୁ, ଆମିନି ଜୀବୁତି ଖାନ୍ତି କାତା ମାରୁ ଖେଞ୍ଜାମାଞ୍ଜେରି, ଇଞ୍ଜା ଏଡ଼ି ନୀର୍ବ ଜିକେଏ ଦାରୁତିତା ଖାଡ଼େୟିଏ ।

୪ ଜୀବୁତି କକାରି ପଦାଁଡେରି, ମାରୁ ମାହାପୁରୁ ତାଣାଟି ଜାର୍ନା ଆଡାଡେରି, ଅଡ଼େ ମାରୁ ନାଡ଼ିକିନି ବଲୁ ଖେହନାରାଇଁ ଜାଣା ଆହାମାଞ୍ଜେରି, ଇଚିହୁଁ ମା ତାଣା ଆତ୍ମାଆସି ମାନେସି, ଏଞ୍ଜାସି, ଦାରୁତିତା ଆତ୍ମାଆସି ମାନେସି ଏଞ୍ଜାଣି କିହାଁ କାଜାସି । ୫ ନାଡ଼ିକିନାରି ଦାରୁତିତି ଖାହାମାନେରି, ଇଦାଆଁତାକି ଏଞ୍ଜାରି ଦାରୁତିତି କାତା ଖେହନେରି, ଅଡ଼େ ଦାରୁତିତାରି ଏଞ୍ଜାରି କାତା ଖେନେରି । ୬ ସାମା ମାର ମାହାପୁରୁ ତାଣାଟି ଜାର୍ନା ଆହାମାନାୟି; ଆତ୍ମାଆସି ମାହାପୁରୁଇଁ ପୁନେସି, ଏଞ୍ଜାସି ମା କାତା ଖେନେସି; ଆତ୍ମାଆସି ମାହାପୁରୁ ତାଣାଟି ଜାର୍ନା ଆହାହିଲଅସି, ଏଞ୍ଜାସି ମା କାତା ଖେନଅସି, ଏମ୍ବାଟି ସାତାତି ଜୀବୁ ଅଡ଼େ ନାଡ଼ିକିନି ଜୀବୁ ପୁଞ୍ଜାଲି ଆଡ଼ିନାୟି ।

ଜୀବୁ ନଞ୍ଜିଆନାୟି

୭ ନା ଜୀଞ୍ଜୁତି ତଃଶେଷିକ୍ଷା, ରଥତେରି ରଥଶାଳ୍ ଜୀଞ୍ଜୁନଦୁ, ଇତିହଂ ଜୀଞ୍ଜୁନନାୟି ମାହାପୁରୁ ତାଶାତି ଖାନ୍ନେ, ଆମ୍ବାଆସି ଜୀଞ୍ଜୁ ନନେସି, ଏଞ୍ଜାସି ମାହାପୁରୁ ତାଶାତି ଜାର୍ନା ଆହାମାନେସି, ଇଞ୍ଜା ଏଞ୍ଜାସି ମାହାପୁରୁକ୍ ପୁଞ୍ଜାମାନେସି । ୮ ଆମ୍ବାଆସି ଜୀଞ୍ଜୁ ନଥସି, ଏଞ୍ଜାସି ମାହାପୁରୁକ୍ ପୁନଥସି, ଏନାଆଁତାକି ଇତିହଂ ମାହାପୁରୁ ଜୀଞ୍ଜୁ ନନାସି । ୯ ଇମ୍ବାଆଁ ମାହାପୁରୁତି ଜୀଞ୍ଜୁନନାୟି ତଞ୍ଜା ଆହାମାନେ, ଏଞ୍ଜାସି ତାନି ରଶ୍ୱିଏ ମୀରଏଶାଳ୍ ଦାରତିତା ପାଶ୍ୱାତେସି, ଏନିକଂ ମାର ଏଞ୍ଜାଶି ତାଶାତି କାଳ୍ଲକାଳ୍ଲତି ଜୀଞ୍ଜୁ ବେଟାଆନାୟି । ୧୦ ମାର, ମାହାପୁରୁକ୍ ଜୀଞ୍ଜୁ ନତାୟି, ଏଦି ଆଏ, ସାମା ଏଞ୍ଜାସି ମାଳେ ଜୀଞ୍ଜୁ ନୟିତେସି, ଇଞ୍ଜା ତାନି ମୀରଏଶାଳ୍ ମା ପାପୁ ତାକି ପୂଜା ଆହାଲି ପାଶ୍ୱାତେସି; ଏଦି ଏମ୍ବାଟିଏ ଜୀଞ୍ଜୁନନାୟି ତଞ୍ଜା ଆହି ମାନେ ।

୧୧ ନା ଜୀଞ୍ଜୁତି ତଃଶେଷିକ୍ଷା, ମାହାପୁରୁ ମାଳେ ଏନିକଂ ଜୀଞ୍ଜୁ ନହାଁ ମାଞ୍ଜାନେସି, ମାର ଜିକେଏ ରଥତାୟି ରଥଶାଳ୍ ଜୀଞ୍ଜୁ ନଞ୍ଜିଆନାୟି ମାନେ । ୧୨ ଆମ୍ବାଆସି ଏରେଲାଞ୍ଜା ମାହାପୁରୁକ୍ ମେସାହିଲଅସି; ସାମା ମାର ରଥତାୟି ରଥଶାଳ୍ ଜୀଞ୍ଜୁନଞ୍ଜିଆନ, ଆତିହଂ ମାହାପୁରୁ ମା ତାଶା ମାନେସି, ଅଡ଼େ ତାନି ଜୀଞ୍ଜୁନନାୟି ମା ତାଶା ମାନେ ।

୧୩ ମାର ମାହାପୁରୁ ତାଶା ମାନାୟି ଅଡ଼େ ଏଞ୍ଜାସି ମା ତାଶା ମାନେସି, ଇଦାଆଁ ମାର ପୁଞ୍ଜାମାନାୟି, ଇତିହଂ ଏଞ୍ଜାସି ମାଳେ ତାନି ଜୀଞ୍ଜୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମୀରଏଶାଳ୍ ଦାରତିତି ଲକୁଶି ଗେଲ୍ପିନାସି ଆହାଲିତାକି ପାଶ୍ୱାତେସି, ଇଦାଆଁ ମାର ମେସାମାନାୟି ଅଡ଼େ ସାକି ହାହି ମାନାୟି । ୧୫ ଆମ୍ବାଆସି ଜୀଞ୍ଜୁକ୍ ମାହାପୁରୁତି ମୀରଏସି ଇଞ୍ଜା ଝେକନେସି, ମାହାପୁରୁ ଏଞ୍ଜାଶି ତାଶା ମାନେସି, ଅଡ଼େ ଏଞ୍ଜାସି ମାହାପୁରୁ ତାଶା ମାନେସି । ୧୬ ଅଡ଼େ ମାଳେତାକି ମାହାପୁରୁତି ଆମିନି ଜୀଞ୍ଜୁନନାୟି ମାନେ, ଏଦାଆଁ ମାର ପୁଞ୍ଜାମାନାୟି ଅଡ଼େ ନାମାମାନାୟି । ମାହାପୁରୁ ଜୀଞ୍ଜୁ ନନାସି; ଆମ୍ବାଆସି ଜୀଞ୍ଜୁ ନହଂ ମାନେସି ଏଞ୍ଜାସି ମାହାପୁରୁ ତାଶା ମାନେସି ଅଡ଼େ ମାହାପୁରୁ ଏଞ୍ଜାଶି ତାଶା ଡ଼ୟିନେସି । ୧୭ ଦାମ୍ବୁତି ଜୀଞ୍ଜୁତା ନୀତାମାନାକି ମାହାପୁରୁତି ଜୀଞ୍ଜୁନନାୟି ମା ତାଶା ତୀରି ଆହାମାନେ, ମାର ନୀହାୟି ଦିନାତା ସାସା ବେଟାଆନାୟି, ଇତିହଂ କ୍ରାସ୍ତ ଏନିକଂ

ମାନେସି, ମାର ଜିକେଏ ଇ ଦାର୍ତ୍ତିତା ଏଲେକିହିଁଏ ମାନାୟି ।
 ୧୮ ଜୀଝୁ ନନ୍ତି ତାଣା ଆଜି ଡୟେଏ, ସାମା ସାତା ଜୀଝୁନନାୟି ଆଜିତି
 ହେକ କିନେ, ଇଚିହିଁ ଆଜି ଡଣୁ ବେଟାଆନାଣି ତଲେ ଆଣ୍ଡାମାନେ,
 ଇଞ୍ଜା ଆମ୍ବାଆସି ଆଜିନେସି ଏଞ୍ଜାସି ଜୀଝୁ ନନ୍ତି ତାଣା ତୀରିତାସି ଆଏ
 ।

୧୯ ମାହାପୁରୁ ତଲିଏ ମାଜେ ଜୀଝୁ ନୟାଁତାକି ମାର ଜୀଝୁ
 ନହିମାନାୟି । ୨୦ ଆମ୍ବାଆସି ନାନୁ ମାହାପୁରୁଇଁ ଜୀଝୁ ନହିଁମାଇଁ
 ଇଞ୍ଜାନା, ଏଞ୍ଜାସି ତାନି ନାମିତି ତାୟି ତାଜିଇଁ ଅପଅସି,
 ଆତିହିଁ ଏଞ୍ଜାସି ମିତି ଖେହନାସି, ଇଚିହିଁ ଆମିନି ତାୟିଇଁ
 ମେସାମାନେସି, ଏଞ୍ଜାଣାଇଁ ଜୀଝୁ ନଅସି, ଇଚିହିଁ ଆମିନି
 ମାହାପୁରୁଇଁ ମେସାହିଲଅସି, ଏଞ୍ଜାଣାଇଁ ଜୀଝୁ ନହାଲି ଆଡଅସି
 । ୨୧ ଆମ୍ବାଆସି ମାହାପୁରୁଇଁ ଜୀଝୁ ନନେସି, ଏଞ୍ଜାସି ତାନି ତାୟିଇଁ
 ଜିକେଏ ଜୀଝୁ ନପେସି, ଇ ହୁକୁମି ମାନ୍ସୁକ୍ରୀସ୍ତ ତାଣାଟି ବେଟା
 ଆହାମାନମି ।

୫

ଦାର୍ତ୍ତିତା ଜୀଣା ଆନାୟି

୧ ଆମ୍ବାଆସି ଜୀସୁଇଁ କ୍ରୀସ୍ତ ଇଞ୍ଜା ନାମିନେସି, ଏଞ୍ଜାସି ମାହାପୁରୁ
 ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଇଁ ଜୀଝୁ
 ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀଝୁ
 ନନେସି । ୨ ମାର ଏଚିବେଲା ମାହାପୁରୁଇଁ ଜୀଝୁନନାୟି ଅଡେ ତାନି
 ହୁକୁମି ମାନଞ୍ଜି ଆନାୟି, ଏଚିବେଲା ଏଦାଆଁ ତଲେ ମାର ମାହାପୁରୁତି
 ମୀରକା ମାସକାଇଁ ଜୀଝୁ ନହିମାନାୟି ଇଞ୍ଜା ପୁଞ୍ଜାଲି ଆଡିନାୟି
 । ୩ *ମାହାପୁରୁଇଁ ଜୀଝୁନନାୟି ମା ତାଣା ମାନେ, ଇଚିହିଁ ମାର
 ଏଞ୍ଜାଣି ହୁକୁମି ମାନଞ୍ଜି ଆନ, ଏଞ୍ଜାଣି ହୁକୁମି ମାନଞ୍ଜି ଆନାୟି ହାରେକା
 କସ୍ତ ଆଏ ୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି,
 ଏଞ୍ଜାସି ଦାର୍ତ୍ତିତି ଜୀଣାଆନେସି, ଅଡେ ଏନାଆଁ ଦାର୍ତ୍ତିତି ଜୀଣା
 ଆହାମାନେସି, ଏଡି ମା ନାମୁ । ୫ ଜୀସୁ ମାହାପୁରୁ ମୀରଏସି, ଇଦାଆଁ

☆ ୫:୩ ୫:୩ ଜହ ୧୪:୧୫

ଆତ୍ମାଆସି ନାମିନେସି, ଏଞ୍ଜାଣି ପିସ୍‌ପେ ଆତ୍ମାଆସି ଦାର୍ତ୍ତିତି ଜାଣା ଆନେସି ?

ଜୀସୁ କ୍ରୀସ୍ତ ତାକି ସାକି

^୬ ଜୀସୁ କ୍ରୀସ୍ତ ଏୟୁ ଅଡେ ନେତେରିଟି ଖାହାମାରେସି, ଖାର୍‌ଇ ଏୟୁତଲେ ଆଏ, ସାମା ଏୟୁ ଅଡେ ନେତେରି ଇ ରୀ କୃତା ତଲେ ଖାହାମାରେସି; ଅଡେ ସୁଦୁଜୀସୁ ଜିକେଏ ଏମ୍ବାତି ସାକି ହାହିମାନେ, ଇତିହାସି ଜୀସୁଏ ସାତା । ^୭ ଇ ତାନି ଜାଣା ସାକି ମାନୁ । ^୮ ସୁଦୁଜୀସୁ, ଏୟୁ ଅଡେ ନେତେରି ଏଞ୍ଜି ରଣ୍ଡିଏ ସାକି ହାହିମାନୁ । ^୯ ମାର୍‌ଲକୁ ହାତି ସାକି ନାମିନାୟି, ଆତିହାସି ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡେ ମାହାପୁରୁତି ସାକି ଇଦି, ଏଞ୍ଜାସି ତାନି ମୀର୍‌ଏଣା ଖାକିଟି ସାକି ହାହାମାନେସି । ^{୧୦} ଆତ୍ମାଆସି ମାହାପୁରୁ ମୀର୍‌ଏଣା ତାଣା ନାମିନେସି, ଏଞ୍ଜାସି ତାନି ହିୟାଁତା ଇ ସାକି ବେଟାଆହାମାନେସି; ଅଡେ ଆତ୍ମାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଇଁ ମିଟି ଗାଟାସି କିହାମାନେସି, ଇତିହାସି ମାହାପୁରୁ ତାନି ମୀର୍‌ଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ^{୧୧} ଏ ସାକି ଇଦି, ମାହାପୁରୁ ମାଜେ ରାଆଗାଟି ଜୀସୁ ହାହାମାଜାନେସି, ଅଡେ, ଏ ଜୀସୁ ତାନି ମୀର୍‌ଏଣା ତାଣା ମାନେ । ^{୧୨} ଆତ୍ମାଆସି ମାହାପୁରୁ ମୀର୍‌ଏଣାଇଁ ବେଟାଆହାମାନେସି, ଏଞ୍ଜାସି ଜୀସୁ ବେଟାଆହାମାନେସି; ଆତ୍ମାଆସି ମାହାପୁରୁ ମୀର୍‌ଏଣାଇଁ ବେଟାଆହାହିଲଅସି, ଏଞ୍ଜାସି ଜୀସୁ ଜିକେଏ ବେଟାଆହାହିଲଅସି ।

ରାଆଗାଟି ଜୀସୁ

^{୧୩} ମୀର୍‌ ମାହାପୁରୁ ମୀର୍‌ଏଣା ଦରୁ ନାମାମାଜେରି, ମୀର୍‌ ଏନିକିଁ ପୁଞ୍ଜାମାଜେରି, ରାଆଗାଟି ଜୀସୁ ବେଟା ଆହାମାଜେରି, ଇଦାଆଁତାକି ନାନୁ ମିଜେ ଇ ବାରେ ରାଟାମାଜାଇଁ । ^{୧୪} ଇଞ୍ଜା ମାର୍‌ ମାହାପୁରୁ ଅଣ୍‌ପୁତି ଲେହେଁ ପ୍ରାତାନା କିନାୟି, ଆତିହାସି ଏଞ୍ଜାସି ମା ପ୍ରାତାନା ଖେଜାନେସି, ଇଞ୍ଜା ମାହାପୁରୁ ତାଣା ମା ବାସୁଁ ମାନେ । ^{୧୫} ଅଡେ ମାର୍‌ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି ଖେଜାନେସି ଇଞ୍ଜା ମାର୍‌ ପୁଞ୍ଜାମାନାୟି, ଆତିହାସି ଏଞ୍ଜାଣି ତାଣା ମାର୍‌

☆ ୫:୧୧ ୫:୧୧ ଜହ ୩:୩୭

ଏନାଆଁ ପ୍ରାତାନା କିହିମାନାୟି, ଏ ବାରେ ବେଟାଆହାମାନାୟି, ଇଦାଆଁ ଜିକେଏ ପୁଞ୍ଜାମାନାୟି ।

୧୭ ମୀ ନାମିତି ତାୟି କି ତାଜିଇଁ ପାପୁ କିହିମାନାଣି ମେହ୍‌ଦେରି ଇତିସାରେ, ଅଡ଼େ ଏ ପାପୁ ହାଝି କିନାୟି ଆଏ, ଏ ତାୟି ତାଜି ତାକି ମାହାପୁରୁ ତାଣା ପ୍ରାତାନା କିଦୁ, ଅଡ଼େ ମାହାପୁରୁ ଏନିକି ହାନ୍‌ହଗେତି ପାପୁ କିହାହିଲାଆ ଲକୁଣି ଜୀଝୁ ହୀନେସି, ଏଲେକିହି ଏ ଏଞ୍ଜାରାକି ଜିକେଏ ଜୀଝୁ ହୀନେସି, ହାନ୍‌ହଗେତି ପାପୁ ମାନେ ଇଞ୍ଜି ଏଞ୍ଜାରି ତାକି ପ୍ରାତାନା କିହାଲି ଝେସିହିଲଅଁ । ୧୭ ବାରେ ଲାଗେଏତି କାମା ପାପୁ, ସାମା ବାରେ ପାପୁ ହାଝି କିଏ ।

୧୮ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନାସି, ଏଞ୍ଜାସି ପାପୁ କିଅସି, ଏନାଆଁତାକି ଇତିହି ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାଁ ଜାହାରାଇଁ ଗେଲୁପା କଡିନେସି, ଅଡ଼େ ପାପୁତି ଜୀଝୁ ଏଞ୍ଜାଣାଇଁ ତୀଗେଏ, ଇଦାଆଁ ମାର ପୁଞ୍ଜାମାନାୟି ।

୧୯ ମାର ମାହାପୁରୁ ତାଣାଟି ଜାର୍ନା ଆହାମାନାତାୟି ଇଞ୍ଜା ବାରେ ଦାର୍ତିଇଁ ସୟତାନ ଲକ୍‌ହାମାନେ, ଇଦାଆଁ ମାର ପୁଞ୍ଜାମାନାୟି ।

୨୦ ମାର ପୁଞ୍ଜାମାନାୟି, ମାହାପୁରୁ ମୀରଏସି ଝାହାମାନେସି, ଇଞ୍ଜା ଏଞ୍ଜାସି ମାଙ୍ଗେ ସାତାତାଣାଇଁ ପୁଞ୍ଜାଲି ବୁଦି ହୀହାମାଞ୍ଜାନେସି; ଅଡ଼େ ମାର ଏ ସାତାଗାଟାଣି ତାଣା, ଇତିହି ତାନି ମୀରଏସି ଜୀସୁ କ୍ରୀସୁ ତାଣା ନୀତାମାନାୟି, ଏଞ୍ଜାସି ସାତା ମାହାପୁରୁ ଅଡ଼େ ରାଆଗାଟି ଜୀଝୁ ଗାଟାସି ।

୨୧ ନା ଜୀଝୁତି ମୀରକା ମାସ୍କାତେରି ପେଣକା ବମାୟାଁ ତାଣାଟି ମୀରୁ ହେକ ଆହାମା ମାଞ୍ଜୁ ।

ପୁସ୍ତକ ଫେରା

The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33